



প্রেস বিজ্ঞপ্তি

জাহাঙ্গীরনগর বিশ্ববিদ্যালয়ে মহান একুশ ও আন্তর্জাতিক মাতৃভাষা দিবস পালিত

জাহাঙ্গীরনগর বিশ্ববিদ্যালয় ২১ ফেব্রুয়ারি ২০১৯।

জাহাঙ্গীরনগর বিশ্ববিদ্যালয়ে যথাযোগ্য মর্যাদায় মহান একুশ ও আন্তর্জাতিক মাতৃভাষা দিবস পালিত হয়েছে। এ উপলক্ষে একুশের প্রথম প্রহরে বিশ্ববিদ্যালয় শহীদ মিনারে উপাচার্য অধ্যাপক ড. ফারজানা ইসলাম শ্রদ্ধাঞ্জলি নিবেদন করেন। এ সময় প্রো-উপাচার্য (শিক্ষা) অধ্যাপক ড. মো. নূরুল আলম, প্রো-উপাচার্য (প্রশাসন) অধ্যাপক ড. মো. আমির হোসেন, কোষাধ্যক্ষ অধ্যাপক শেখ মো. মনজুরুল হক, অনুষদ ডীন, রেজিস্ট্রার, শিক্ষক, অফিসার, কর্মচারী, ছাত্রনেতৃবৃন্দ উপাচার্যের সঙ্গে ছিলেন। উপাচার্যের শ্রদ্ধাঞ্জলি নিবেদনের পর বিশ্ববিদ্যালয় মহিলা ক্লাব, শিক্ষক সমিতি, অফিসার সমিতি, কর্মচারি সমিতি, কর্মচারি ইউনিয়ন, সাংবাদিক সমিতি, প্রেস ক্লাব, হল প্রভোস্ট, ছাত্র সংগঠন, বিভিন্ন বিভাগ এবং অন্যান্য সংগঠন শ্রদ্ধাঞ্জলি নিবেদন করে। জাবি শহীদ মিনারে মহান একুশ ও আন্তর্জাতিক মাতৃভাষা দিবসের শ্রদ্ধাঞ্জলি নিবেদনের অনুষ্ঠান যৌথভাবে পরিচালনা করেন বাংলা বিভাগের অধ্যাপক ড. নাহিদ হক ও জনসংযোগ অফিস।

এর আগে ২০ ফেব্রুয়ারি সন্ধ্যায় শহীদ মিনার প্রাঙ্গণে ছাত্র-শিক্ষক কেন্দ্রের উদ্যোগে সাংস্কৃতিক অনুষ্ঠান অনুষ্ঠিত হয়। অনুষ্ঠানের শুরুতে মহান একুশ ও আন্তর্জাতিক মাতৃভাষা দিবসের তাৎপর্য তুলে ধরে বক্তব্য রাখেন ছাত্র-শিক্ষক কেন্দ্রের পরিচালক অধ্যাপক বশির আহমেদ।

আন্তর্জাতিক মাতৃভাষা দিবসে শহীদ মিনার, প্রশাসন ভবন ও হলসমূহে জাতীয় পতাকা অর্ধনমিত রাখা হয়। একুশের ভোরে বিশ্ববিদ্যালয়ের শিক্ষক-অফিসার ক্লাব চত্বর থেকে শহীদ মিনার অভিমুখে প্রভাতফেরি অনুষ্ঠিত হয়। বিভিন্ন সাংস্কৃতিক সংগঠনসহ জাহাঙ্গীরনগর বিশ্ববিদ্যালয় স্কুল ও কলেজের ছাত্র-শিক্ষকগণ প্রভাতফেরিতে অংশগ্রহণ করেন এবং শহীদ মিনারে শ্রদ্ধাঞ্জলি নিবেদন করেন। এ সময় সাভারের বিভিন্ন স্কুল ও প্রতিষ্ঠান প্রভাতফেরিসহ শহীদ মিনারে এসে তাদের শ্রদ্ধাঞ্জলি নিবেদন করে। সকালে বিশ্ববিদ্যালয়ের পুরাতন কলা ভবনে অনুষ্ঠিত শিশু-কিশোরদের চিত্রাঙ্কন প্রতিযোগিতায় প্রধান অতিথি কোষাধ্যক্ষ অধ্যাপক শেখ মো. মনজুরুল হক, বিশেষ অতিথি কথাসাহিত্যিক আখতার হোসেন, চারুকলা বিভাগের সভাপতি শারমিন জামান ও সভাপতি অধ্যাপক ড. এটিএম আতিকুর রহমান বক্তব্য রাখেন এবং বিজয়ীদের মধ্যে পুরস্কার বিতরণ করেন। অনুষ্ঠান পরিচালনা করেন জাবি স্কুল ও কলেজের শিক্ষক মিজানুর রহমান।

পরিচালক (ভারপ্রাপ্ত)
জনসংযোগ অফিস